

全國名醫驗案類編

第三冊

濕滯病案
燥滯病案

上海大東書局印行



當代全國名醫驗案類編目錄

初集 四時六淫病案

第四卷 濕淫病案

冒濕案 內科.....毛鳳岡

傷濕兼寒案 內科.....蕭琢如

中濕夾痰案 內科.....何拯華

伏濕發痞案 內科.....沈奉江

伏濕腹痛案 內科.....陳憩南

濕流關節案 內科.....蕭琢如

濕痹案 內科.....黃袞甫

濕痹腫喘案 內科.....周小農



北京中医药大学图书馆版权所有

濕夾溢飲案內科.....何拯華

濕瘡案婦科.....劉榮年

三陰濕瘡案內科.....洪巨卿

濕瀉案內科.....葉鑑清

濕溫案內科.....葉鑑清

濕溫案內科.....王子達

濕溫案內科.....過允文

濕溫兼寒案內科.....何拯華

濕溫夾痰案內科.....周小農

濕溫轉虛案內科.....袁桂生

濕溫壞症案內科.....孫少培

濕熱頭痛案內科.....王經邦



濕熱痢案 內科.....葉鑑清

濕熱痢案 內科.....李竹溪

濕熱痢轉休息案 內科.....嚴紹岐

酒濕休息痢案 內科.....孫少培

濕熱痢兼痿案 內科.....陳憩南

濕熱陽黃案 內科.....陳作仁

濕脚氣案 內科.....葉鑑清

濕脚氣案 內科.....魏長焱

脚氣上衝案 內科.....高虬雲

脚氣衝心案 內科.....李伯鴻



當代
全國名醫驗案類編

初集 四時六淫病案

第四卷 濕淫病案

○冒濕案 內科

毛鳳岡 住常州

【病者】毛子培，年三十一歲，住漕橋。

【病名】冒濕。

【原因】初夏淫雨纏綿，晴後濕氣上蒸，晨起冒霧而行，遂感其氣而發病。

【症候】頭重如裹，身熱無汗，遍體不舒，四肢倦懈。

【診斷】脈右浮緩而軟，左微弦而滯，舌苔薄白而滑，此濕氣蒙於皮毛而未傳經入裏，注腧庵所謂輕則爲冒也。



南京中医药大学图书馆藏

【療法】宣疏表濕爲首要。故以蘇藿苓皮爲君。辛散芳淡以取微汗。蘭竹青箬爲臣。清芬淡泄以化濕。佐以桂枝木微辛而淡達其肢體。使以薏殼助茯苓以皮達皮也。

【處方】紫蘇葉 一錢

佩蘭葉 錢半

淡竹葉 錢半

青箬葉 錢半

白薏殼 八分

藿香葉 錢半

先用浙苓皮 八錢

桂枝木 八分

煎湯代水

【次診】一劑而微微汗出。頭重肢懈均除。二劑而身熱退。遍體舒。惟胸中畧痞。口淡胃鈍。兼吐稀痰。溺亦短少。脈左弦象雖退。右尙緩滯。舌苔白轉微黃。治以辛通淡滲。二陳合四苓湯加減。

【次方】薑半夏 錢半

浙茯苓 四錢

猪苓 錢半

杜藿梗 二錢

新會皮 錢半

生苡仁 四錢

澤瀉 錢半

炒穀芽 二錢

【效果】連服三劑。胸寬胃健。小便暢利而痊。

【原按】前哲倪松亭曰。治濕之道非一。當細察表裏上下。爲用藥之準的。如



濕氣在於皮膚者。宜用麻桂二朮。以表其汗。譬如陰晦。非雨不晴也。亦有
用羌防白芷等風藥。以勝濕者。譬如清風。薦爽。濕氣自消也。水濕積於胃
腸。肚腹腫脹者。宜用遂戟芫丑之屬。以攻其下。譬如水滿溝渠。非導之不
去也。寒濕在於肌肉筋骨之間。拘攣作痛。或麻痺不仁者。宜用薑附丁桂
之屬。以溫其經。譬如太陽中天。則濕自乾也。濕氣在於臟腑之內。肌腠之
外。微而不甚者。宜用朮蒼樸夏之屬。以健脾燥濕。譬如微濕。以灰糝之。則
濕自燥也。濕熱在於小腸膀胱。或腫或渴。或溺閉不通者。宜用二苓車瀉
之屬。以滲利之。譬如水溢溝澮。非疏通其竇不達也。學者能於斯理玩熟。
則治濕之法。必中鵠矣。此案治冒濕輕症。毋須麻羌重劑。初方五葉桂苓。
清穩新穎。接方二陳四苓。剛剛恰好。

○傷濕兼寒案 內科

蕭琢如 住湘鄉水口山廿局

【病者】黃君。年三十餘。住本鄉南貨店。

【病名】傷濕兼寒

【原因】素因體肥多濕。現因受寒而發。醫藥雜投無效。改延予診。

【症候】手足遲重。遍身痠痛。口中淡。不飲食。懶言語。終日危坐。

【診斷】脈右緩左緊。舌苔白膩。此金匱所謂濕家身煩疼。可與麻黃加朮湯也。

【療法】遵經方以表達之。使寒濕悉從微汗而解。

【處方】帶節麻黃 八分

川桂枝 七分

光杏仁 錢半

炙甘草 五分

杜蒼朮 一錢

【效果】連投二劑。諸症悉平而愈。

【廉按】此爲濕之屬表無汗者而設。蓋麻黃得朮。雖發汗而不爲多汗。朮得麻黃。行裏濕而並可行表濕。止此一味加入。所謂方外之神方法中之良法也。宜其一方即愈。

○中濕夾痰案 內科

何拯華 紹興同善局



南京中醫藥大學圖書館版權所有

【病者】施德培君、年廿六歲、業商、住昌安門外直樂施村、

【病名】中濕夾痰、

【原因】素有痰飲、適逢首夏、乍晴乍雨、晴則炎蒸、雨則沉悶、適感其氣而猝中、

【症候】初起頭眩神倦、繼即忽然昏倒、神識模糊、不省人事、痰響喉間、狀類中

風、

【診斷】脈右沉小而滑、左沉細、滑、舌苔滑白、此即類中、門中之濕中也、由濕濁

與痰飲相搏、上蒙清竅、頓致痰潮壅塞、雖云濕中、實則痰中、氣返則生

不返、則危矣、

【療法】宣竅、開痰、爲首要、故以蘇合香丸、遠志菖蒲爲君、開其竅、以解語、杏仁

括萸爲臣、下其氣以降痰、佐以戈半夏消痰中之飲、使以皂角通上下

之竅也、

【處方】遠志肉

錢半
去心

鮮石菖蒲

一錢
熟沖

戈半夏

一錢

光杏仁

三錢



皂 角 五分

拌炒括蕁仁 四錢

蘇合香丸 一顯研細 藥湯調服

【次診】一劑而咯痰出聲。二劑而神醒能語。惟神倦嗜臥。頭目眩暈。脈右沉緩兼滑。左微弦。此濕困脾陽而痰作眩暈也。治以豁痰定暈。做東垣半夏天麻白朮湯加減。

【次方】竹瀝半夏 四錢

明天麻 錢半

枳 殼 一錢

拌炒生於朮 錢半

抱木茯神 三錢

廣皮紅 一錢

遠 志 一錢

生薏苡仁 四錢

白芥子 五分

拌搗括蕁仁 四錢

【三診】連投兩劑。眩暈雖止。而氣弱神疲。肢懈無力。咳痰不爽。脈右浮滑沉弱。舌苔仍白而滑。治以益氣化痰。用六君子湯加竹瀝薑汁。

【三方】老東參 一錢

浙茯苓 三錢

薑半夏 三錢

炒廣皮 一錢

生於朮 錢半

清炙草 五分

淡竹瀝 兩瓢

生薑汁 牛小匙和 勻同沖

【效果】連服四劑。諸症皆平。精神振作而瘥。



廉按濕爲陰邪，病發徐而不急，今忽狀如中風者，由濕阻肺氣，氣鬱則逆，挾素有之痰飲，堵塞其出入之清竅，故昏厥而不省人事，方用宣竅開痰，當然中肯，妙在蘇合香丸之辛香開達，宣氣通竅，故能奏速功，接方倣東垣法，三方用和劑同方，亦皆適當。

○伏濕發痞案 內科

沈奉江 住無錫

【病者】王君，年十八歲，住錫山東大街。

【病名】伏濕發痞。

【原因】其母寡孀，只此一子，病寒熱起伏，已歷三候，病勢轉劇，特來延診。

【症候】熱久不解，骨瘦支離，心胸煩悶，遍體不舒。

【診斷】脈細數，苔薄膩，此伏濕未清，防有白痞，鬱於衛分也。

【療法】當輕宣氣分之濕，使氣暢濕開，邪達衛分而解。

【處方】薄荷葉 八分

淨蟬衣 八分

牛蒡子 錢半

佩蘭葉 二錢

廣鬱金

二錢
生打

杜薺梗

二錢

飛滑石

三錢
包煎

猪

苓 一錢

佛手柑

八分

鮮荷葉

一錢

【次診】連投兩劑。始透。白瘡細粒密佈。色如枯骨。前哲謂氣液已竭。余以爲久。

病初透而未足也。再宗前法。加鮮茅根水蘆根各二兩。煎湯代水。

【效果】一劑而遍體透足。粒粒晶珠。二劑而熱勢大退。二三日能食稀粥。調養

旬日而痊。

廉按白瘡小粒如水晶色者。氣液未竭也。其症多吉。若瘡發枯白如骨者。

氣液已竭也。其症多凶。此案古苔薄膩。尙屬濕鬱衛分。汗出不徹。勢然其

瘡初出。雖如枯骨。繼加茅蘆二根。升津增液。續發粒粒晶珠。故能竟奏全

功。

○伏濕腹痛案 內科

陳懋南 住潮安
金山脚

【病者】張俊卿。中學堂生。年二十一歲。澄海人。住汕頭。

【病名】伏濕腹痛。

【原因】地近淫窪。暮春濕漲。婚後精氣空虛。遂襲人而不覺。

【症候】每日亭午。即臍中切痛。抵晚漸劇。氣急上逆。能坐不能臥。必嘔吐至鹹味。出乃止。自春徂秋。百醫莫效。困甚。

【診斷】脈兩寸如平。右關緩細。尺弱。左關亦緩。尺濇。詳察脉症。的係濕氣傷腎。伏處於精室之中。所謂伏濕腹痛也。按腎之部位。在脊骨十四椎左右。各一枚。其功用。能將周身流入之血。吸收其敗濁之質。向膀胱而排泄。今爲濕氣所傷。則瑪氏囊失職。致敗濁之質。仍向周身流去。是以面目黧黑也。精室處膀胱之後。直腸之前。與腎貫通。是以痛在臍中也。衝脉寄居其間。濕伏於此。則衝亦病。書曰。衝脉爲病。逆氣裏急。所以氣急上逆。能坐不能臥也。病必午發者。因衝脉附麗於陽明。午爲陽明氣旺之時。欲藉此以攻除其所伏。故激動之而發也。吐出鹹味乃止者。以鹹爲

腎之本。味吐出。則伏邪亦洩。邪洩則衰。故痛止也。前醫不知其有伏邪。徒取調氣止痛。消導去積之套方。因循坐誤。致令元氣日虧。精血日耗。兩尺脉之見弱。且瀉也。所幸病前半日。猶能食飲。胃氣尙存。庶幾易治。〔療法〕邪伏既久。邪正混爲一家。助正化邪。乃合理法。主用四物湯補血活血。爲君。枸杞北耆杜仲巴戟。生精益氣爲臣。茯神萆薢琥珀菖蒲。分清導竅爲佐。紫河車鹿茸。走精室壯腎陽爲使。三劑逐日水煎。午前服。

〔處方〕大當歸 二錢

甘杞子 二錢

正琥珀 一錢
研冲

川杜仲 三錢

酒川芎 錢半

生黃耆 三錢

川菖蒲 二錢
二分

巴戟天 二錢

老熟地 三錢

川茯神 三錢

川萆薢 錢半
鹽水製

杭酒芍 二錢

紫河車 四錢

北鹿茸 三錢
酒製

〔效果〕二劑後通腹皆痛。三劑忽大痛。不可忍。旋瀉下黑如墨者數次。翌日清晨復大瀉一次。病竟如失。後不再發。

廉按辨症詳明，論理透澈，參以新學，更爲精鑿，病原分析極清，用藥亦切實周到。

○濕流關節案 內科

蕭琢如 住湘鄉水口山井局

【病者】商客徐君，年四十餘，住四川。
【病名】濕流關節。

【原因】端節前來鎮收賬，冒雨而行，鞋襪皆濕，濕從下受而發，難治不愈，已十日矣。

【症候】兩脚、骨節疼痛，晝夜叫號，跬步不能移，惟飲食大小便如常。

【診斷】脈右沉緩，左沉細，濇舌苔淡白，此卽金匱所謂太陽病，關節疼痛而煩，脈沉而細者，此名中濕是也。

【療法】通則不痛，以疏通關節爲君，與自製七節湯加減。

【處方】生黃芪 二錢 牛

全當歸 三錢

生白芍 三錢

川芎 三錢



桂枝節 三錢

甘草節 一錢

桑枝節如指大 三箇

杉枝節 三箇

松枝節 三箇

蘇杆節 三箇

竹枝節 三箇

生淮牛膝 二錢

【效果】一劑知連服十劑平復如初

麻按濕者六淫之一也亦如中風傷寒自太陽始但風寒之太陽病病在肌表濕之太陽病病在關節關者機關之室真氣之所過也節者骨節之交神氣之所游行出入者也今病濕則神真之氣爲濕邪所傷故關節疼痛而煩濕爲陰邪故脈沉而細濕不在外而在下下流兩脚關節皆筋脈交紐之處肝主筋而藏血血被濕阻阻遏氣道逼壓神經故爾劇痛與濕脚氣似同而實異與歷節風似異而實同方用自製七節湯以黃芪當歸白芍川芎爲君輔以桑枝杉枝松枝桂枝紫蘇竹枝皆用節即甘草亦用節取其以節入節且黃芪當歸桂枝白芍川芎甘草具黃芪五物當歸四逆兩方之功用紫蘇節則尤能行氣中血滯輔以桑杉松各枝節能使關

節中停蓄之風濕一掃而空。至竹枝節氣味甘寒恐有拒而不納以之爲反佐故於上症功效頗鉅。本方去牛膝治兩手關節疼痛猛不可當亦多奏效眞獨出心裁之良方也。

○濕痹案 內科

黃衮甫

住金山
呂巷鎮

【病者】黃松林年三十八歲業農住泖灣村

【病名】濕痹

【原因】初傷濕繼受寒寒濕相搏遂致麻痺

【症候】左足脛疼痛伸屈不利步履維艱

【診斷】脈左沉遲右稍弦證脈合參斷爲着痹內經論痹症每與中風相合然風則陽受之而痹則陰受之痹者閉而不通之謂也今寒濕客於下下焦屬陰以陰遇陰濕性膩寒性遲濕遇寒而凝結愈力寒遇濕而壅閉不宣不通則痛通則不痛

